

■ FORUM

La LR sa sveglia mo a mesas

Bun ch'ìls dirigents da nossa Lia Rumantscha han finalmain tuttina prendi posiziun ed er declerà deplazzada la resoluziun da noss idiomists encunter il postulat Semadeni da beneventar zunt fitg en favur da noss rumantsch. Las intervenziuns da pliras varts han purtà fritg. La chaussa ha dentant pliras sumbrivas, per betg dir dapli.

Ch'igl ha duvrà intervenziuns è tut auter che legraivel. Che Johannes Flury ed Urs Cadruvi fan rinfatschas a quels che han gì – sco igl è sa mussà – tutta raschun d'intervegnir è zunt deplorabel e da refusar en tutta furma. Igl ant. president dal cussegl naziunal Martin Bundi ha cità la columna dal sutscrit sch'el ha vis alarment ch'il president ed il secretari general da la LR han anc assistì a la resoluziun nuschaivla. Betg ch'els han prendì part da quella radunanza è vegnì crititgà, mabain ch'els n'han betg gia alura prendì posiziun encunter la resoluziun

prendida en lur preschientscha. Igl è e resta crititgabel che la LR sa fatschenta apparentamain mo cun sa sezza ed è il cuntrari da la ludaivla Pro Grigioni Italiano adina puspè absenta cura ch'i sa tractass da defender er il rumantsch en la politica e la publicitad.

La comunicaziun da la LR, che prenda posiziun encunter la deplorabla resoluziun en discussiun e per il rumantsch grischun, ha per l'auter ina greva mancanza. Quella fa cunter tutta buna fai, sco sch'il Plan d'instrucziun 21 correspundess al model da coesistenza areguard il rumantsch grischun. Quella cunvegna han las Pro idioms gì sutscrit, dentant rut. E la LR ha surpiglià la posiziun da lezzas envers la regenza ed uschia era rut sezza la cunvegientscha ch'avess suletta purtà la pasch linguistica uschè necessaria.

*Giusep Nay, ant. president dal tribunal federal,
Lai*